

三州山人四部稿卷之二十一

吳郡王世貞元美著

詩部

七言古體四十首

歌行長短句題橘軒

昔有蘇耽君丹成不肯去乞取巴中老龍唾餘核化
作江陵紫霞樹鑿井蘇君陂下通長桑所食之上池
一杯復一葉十人萬人却杖歸其後八百年陸翁手
種樹乃是翁家鬱林太守之所懷聊採僊君名用以
顏其齋翩然渡淮水不憂此樹化為枳實藥長安中

携壺汝南市交州意以讓功力魏苑葡萄失顏色丹
苞瓊瓢崖蜜寒坐令消渴蠲文園何以報汝披琅玕
雲舒錦粲龍虬蟠更後百餘年有孫髯叅公笑謂王
子腐史何庸木奴千頭以當素封蜜如寶此卷洞庭
秋霜篋笥中

余作此歌題橘軒卷因有一雅謔附上髯叅
公昔蘇僊翁作橘井其裔孫長公學士草陸
吉傳似爲陸氏張本公家髯林太守懷後乃
復有橘軒繼僊井之蹟然則蘇陸二氏可稱
累世通家也髯叅公能無一笑粲否

贈沈郎歌

聞郎昔時花滿烟沈郎落魄美少年玉壺酩酊春風
前吳宮粉隊人三千蘇張舌底藏嬋娟月落紅
沙鷺鳴雞不斷盧聲顛問着牀頭無一錢酬心未了
雙龍泉中年顧景忽自憐坐使萬累空中捐中丞高
齋學士筵烏衣諸郎時見牽禿衫踞坐風脩然當尊
雅興與珠圓醉時有神醒不傳興劇便就東家眠石
湖沈紅花月天手提鷓鴣夷呼趁船小景幻就菖蒲箋
丹青自許前生緣文君黎美甘入咽肯從方朔割
肩七尺不受朱門權人馬山宮多酒仙吾與沈郎俱

剝員不醉且誦逍遙篇

題孺山書屋圖

石田老人富丘壑
湖雨嵐烟筆端起
江南佳麗到不
之吳興諸山若個是
書聲雜出飛瀑外
高枕時橫白
雲裏人云絮酒來南州
此山名孺成千秋
尚書讀書
此山頭書成出柱中原
天歸來賴玉圍腰
圓冰心不
愧南州賢出山住山
俱偶然有足肯踏
終南顛

題懷素千文真蹟後

禿師少來負書顛
芭蕉萬葉疑松烟
自矜二王無我
法願與融師稱
錢鄔叅軍語
釵股折張長史筆
驚

江湖夏雲漏雨各自態寒猿渴驥俱奔泉岳一千年

龍劍出過八十字驪珠圓

缺一百四十一字
文太史徵明補之

毋論貂

尾貴難續即賞虎賁神不全戈法宛然自堪辯司空
縱似亦可憐紫微初入六一舫彩霞再墮剡溪舩河
南哀冊右軍札白虹三縷騰奎躔墨池餘債倘未了
伴汝游戲終殘年

歲暮行送周公瑕應聘北上

歲云暮矣霜風晏周子束裝問江北閭門羔鴈俄已
群薊臺驕驄歛生色碣石天高別築宮平津月照新
虛席即辭太傅先奏記又道司空勤見辟兔苑留裁

上客賦鴻都待灑中郎墨自吳詞客推彭年周子聲
價相後先中原驟得王李法秀句欲柱東南天子墨
客卿晚來貴白雲先生神與傳吳興練裙殘半幅載
山羽翮爭百錢雞林雖買舍人句狗監不薦貲郎篇
以茲卧病桃花塢首宿瀟瀟映環堵隻字能飛鴻鴈
外六尺居然蛙黾伍時來莫採南山薇吾鄉故事知
者稀君不見先朝白首文供奉小入蓬壺旋拂衣

吳虎臣謁予兄弟吳門將北訪于鱗且云欲與
汪中丞伯玉共建維摩精舍賦此贈別兼用示

嘲

吳郎嗜酒好詩雅成癖千金散盡家四壁巷譏室謫
了不關瞪眼模糊向天白自云得尚汪中丞所願更
識歷下生王家兄弟亦不惡四子者片語足定千秋
名以茲杖策來吳會擬踏天門望滄海白雪呼來片
片寒青春醉後堂堂在中丞晚節師維摩一宅施為
窄堵波吳也自稱大檀越其若囊中羞澁何顧余亦
有王珣宅為君布金不盈尺莫以莊嚴願未酬蓮華
會上低眉色

普晦去吏為道人為伯玉中丞募建肇林精舍
值歲儉鮮應子辭晉臬未上聊出餘俸助之走

筆短歌以贈

我欲效法施本來無一法我欲效財施匹如病阿育
一頓梨果作檀越汝今辭吏我辭官芒鞋共踏春山
寒化城原在中天裏始信婆婆看腳難

吳門錢叔寶爲吉安龍君作春江圖予爲作歌
題贈

東風吹花繪吉州江學城頭吉字流鳳凰嶺上挂飛
瀑片片併入桃花湫春雷喚龍龍欲起吸霧騰波幾
千里明月猶銜頷下胡蒸雲却化鱗中水東游揚子
轉入吳洞庭君起錢唐趨已看崢嶸露騰踔豈少閭

澤田焦枯錢郎畫君在阿堵點着君應便飛去曲江
紅杏紅刺天是君爲天行雨處

大中丞濟南谷公家近滄海因署別號見志尋
聖聰簡眷開府吳越東南諸海復在四履故吏
王生嘗辱公國士之知乃屬吳人錢叔寶爲圖
而歌之

海爲百谷王蒼然帶燕齊燭龍張眸七曜奪巨鰲頰
首三山低迴風疊浪恒蕭瑟錯落珠璣閃蛟室蜃氣
晴噓析木雲雞聲夜喚扶桑日萬古長容天地輪九
秋不動魚龍都明公弱冠傍海屋已下鐵網鉤珊瑚

偶得浮槎名貫月直泚銀河叩星關帝女壇前五白
茅天公詔底幾黃鉞可但宗慙乘長風東南自此戎
烟空三千犀毗水組練五百魚麗雲艤舳昨者明州
太計吏樓船捧觴伏波跽已傳淮水縛長鯨復道越
裳來白雉如逢召駕漢麒麟中國須歸有聖人借問
誰謀渤海對王生元是一波臣

休承在湖學以此十五幀見寄瀟灑冲澹故不
易又因題其後而藏之

湘笈秋山開剡藤墨龍舞得君十五帑可敵城十五
當其適意時筆所未到意已酬問誰圖者復誰氏

載重觀文湖州

臨江二王帖歌

右軍正行妙入神大令破體皆天真墨池一派流不
斷萬古誰步瑯琊塵蘭亭之胤何紛紛片帑幾盡江
南珉只今諸帖重淳化奚家墨潘猶如新李懷琳手
上著眼珉珉遂混連城珍臨江選石最精絕二王以
外知無人麝煤輕拂薄蟬翅苔文細暈生魚鱗高
子孫盡隆準坐使重儻那得伸寶船再墮野人手貧
里于今知不貧牙籤玉軸小貞觀雄飛雌逐家延津
明牕響榻日再過縱拙肯作平原筋

定武蘭亭真本歌

鬚龍蛇骨咸陽陌王臣千秋闕神蹟天憐墨派不欲
湮為掃中山一片石樂論黃庭總非故褚臨馮搢知
難敵隆準雖稱高帝裔赤符自許真人獲面面看來
俱是態頭頭勘罷無凡格似從天骨見風流小展驥
群爭辟易世人耳觀論肥瘦飛燕阿環俱國色一字
能開八法先分白立作諸家式陳家老叟似北禪
吳興乞不可得終以三百年落余手更數千本誰其匹
玉燮金題豈增貴連城照乘難為直野夫黯澹一瓣
香相携去訪山陰宅

經封丘記故尉高適詩有作

我行長夏之封丘紅塵罨汗汗不流東鄰苦酒苦於
藥西舍濁醪濁似油馬頭黃綬令勿跪恐有當時高
蜀州拜迎官長亦細事鞭撻黎庶將何求一官大小
各有味不置齒舌應即休諸君異日但北首看我歸
騎凌清秋

過長平作長平行

世間恠事那有此四十萬人同日死白骨高於太行
雪血飛迸作汾流紫銳頭堅子何足云汝曹自死平
原君烏鵲飽宿鬼車痛至今此地多愁雲耕農徃徃

李遺跡戰鏃千年土花瑱即令方朔澆豈散總有巫
咸招不得君不見新安一夜秦人愁二十萬鬼聲啾
啾郭開曹趙高出秦爾也送東諸侯

張幼于惠臨洮賜硯歌

蒙將軍掃中山敵歸向臨洮斷地脈刊出堅珉三尺
碧祖龍爪端五花黑一時漆合毛穎交千古泓開墨
君宅臨洮金人血中土天畫此石歸沙磧歙州龍尾
近足致端溪鵠眼新堪惜淳熙主人睠西顧玉堂畫
草平胡檄中洎但覩天顏喜學士驚傳百朋錫小擊
疑聞泗濱磬捧來似剖藍田璧宸章姓字刻琬琰烟

霞不散烏皮席後四百年竟誰在楚人棄子楚人得
張生豁達烟過眼王子貪饒咽生液嗚呼右軍風字
世不見令我青箱久無色珍重題詩一報張夙生或
結詞林識

高克明溪山雪霽圖歌

丹青筆長意苦短帝遣宮丘寫清遠范寬老死克明
在與乞天公舊時晚三絕親教聖人贊七尺不嚇侏
儒飯玉堂供奉寒歲粧瑤花片片墮瑤池朝回小閣
畫柱芴却憶溪山初霽時羲和鞭輪逐滕六飄瞥差
戔壁茅屋擺脫千枝萬枝白洗出三峰五峰綠陰崖

猶冒太古絮陽聲事傾片時玉枯槎頂禿瘦骨愁小
艇不蔽風颭颭長年袖手喚不起疑是興闌王子猷
狐帽蒙頭看山坐骨拙煨燼酒權大縱無灞陵驢背
詩肯作長安被中餓乾坤烏奕揚清輝萬象賈勇精
神飛興來毛穎縱橫出一點一綴皆天機欲知真宰
愁絕處此翁盤礴初解衣吾家愛弟饒畫癖購得圖
看三歎息毋論骨格超馬夏勝代何人辦焦墨虛堂
把翫六月寒指端秀色來眉端便欲移家此中住徧
踏瓊瑤天地殘

題王晉卿烟江疊障圖蘇子瞻歌後仍用蘇韻